

## CRITERIOS PARA A SELECCIÓN DE ÁREAS DE COÑECEMENTO PARA A PROMOCIÓN MEDIANTE CONCURSO DE CONTRATADOS INTERINOS DE SUBSTITUCIÓN E ASOCIADOS A AXUDANTES DOUTORES NO CURSO ACADÉMICO 2015/16

O procedemento para a elaboración do POD 2015/16, aprobado en Consello de Goberno do 29/01/2015, estable no seu punto 1 que se establecerá un programa para reducir o número de Profesores/as Contratados/as Interinos/as de Substitución (CIS) e Asociados/as que contes cunha acreditación da ACSUG ou ANECA, e a súa transformación mediante concurso en Profesores/as Axudantes Doutores/as.

Co fin de levar a cabo ese programa, establécense as seguintes normas:

1. Só se atenderán as solicitudes nas que, unha vez aprobado o POD para o curso 2015-16, se cumpra que:
  - A diferenza entre necesidade e capacidade docente da área supere as 320 horas.
  - A estes efectos enténdese por:
    - Necesidade: Horas encargadas á área de coñecemento no POD do curso académico 2015/16
    - Capacidade: Suma dos seguintes compoñentes:
      - A.- Capacidade docente neta do profesorado permanente
      - B.- Capacidade docente neta do profesorado con compromiso de estabilización. A estes efectos a capacidade inicial deste profesorado será 240 horas
      - C.- Capacidade do profesorado asociado T1 (docencia clínica).
      - X.- Horas de redución por cargo recollidas no apartado 3.1 da normativa de dedicación do PDI
      - S.- Horas de redución por representación sindical recollidas no apartado 3.2 da normativa de dedicación do PDI
2. Deberán contar coa acreditación a Axudante Doutor/a ou superior a 1/1/2015<sup>1</sup>.
3. Convocarase só unha praza de Axudante Doutor por área de coñecemento agás no caso de que os/as profesores/as acreditados/as para os/as que se solicite a transformación mediante concurso **teñan dedicación a tempo completo** e a diferenza entre necesidades e capacidade iguale o resultado de multiplicar o número de prazas por 320.
4. No suposto de que existan na mesma área de coñecemento profesorado con dedicación a tempo completo e a tempo parcial que cumpran a condición segunda, terá preferencia o profesor con dedicación a tempo completo.
5. Poderán transformarse todos/as os/as CIS a tempo completo que o soliciten cumprindo os criterios anteriores. Esta transformación non suporá contratación de novo profesorado.

---

<sup>1</sup> Tomarase como referencia a data da resolución de avaliación positiva asinada polo presidente da CGIACA no caso de acreditación pola ACSUG ou a data de efectos que se recolle na resolución do Ministerio de Educación, Cultura e Deporte no caso de acreditación pola ANECA. No caso de acreditación a Titular de Universidade tomarase como referencia a data da resolución que consta no Certificado de Acreditación Nacional do Consejo de Universidades

6. Convocaranse cinco prazas de Axudante Doutor/a para a transformación de CIS con dedicación parcial e asociados. A creación dunha praza de Axudante Doutor/a realizarase amortizando 240 horas en prazas de Profesores/as CIS e Asociados. No caso de que o número de prazas convocadas sexa inferior ao número de solicitudes, os criterios de ordenación entre os solicitantes será pola orde de puntuación acada segundo os seguintes parámetros:
- a. Terán prioridade os/as acreditados/as a Titular de Universidade ou que contén coa avaliación positiva como acreditado/a a Profesor/a Contratado/a Doutor/a.
  - b. No caso de empate no criterio anterior terá preferencia a área con maior diferenza entre necesidades e capacidade segundo o determinado no punto 1.

### **Disposición adicional**

A Vicerreitoría de Profesorado e Planificación Docente encargarse de elaborar a prelación de prazas, para isto poderá requirir a información que precise das persoas e departamentos afectados e dos servizos da UDC.

A Vicerreitoría de Profesorado e Planificación Docente comunicará a todos os departamentos da universidade o resultado da prelación, da que dará conta ao Consello de Goberno.

A Coruña, \_\_\_\_\_